

ԱՔՐԱՀԱՄ ՁԱՄԻՆՅԱՆԻ ԱՐԽԻՎԸ

Ա. Հ. ԱԴԱՄՅԱՆ

Նշանավոր հայագետ Արուհւոյ Հարությունի Զամինյանը ծնվել է 1861 թ., Նոր-Նախիջևանում, դերձակի ընտանիքում: Սկզբնական կրթությունն ստացել է հայրենի բաղաբի թեմական դպրոցում, որն ավարտելով՝ ընդունվել է Գեորգյան ակադեմիայի, այնուհետև աշխատել է Նոր-Նախիջևանում՝ ուսուցիչ թեմական դպրոցի հայոց լեզվի և գրականության դասատու և միևնույն ժամանակ զբաղվել է հայագիտությամբ: 1908—1909 թթ. Նոր-Նախիջևանում հրատարակել է «Հայոց եկեղեցու պատմություն» վերնագրով երկհատոր արժեքավոր ուսումնասիրությունը, 1914 թ.՝ «Պատմության հայ գրականության» ուսումնասիրությունը (Ա մաս), որն ընդգրկում է հայ գրականության պատմությունը սկզբից մինչև Երեմիա Չելեպի թյումյուրճյանը (XVII դ.):

Ա. Զամինյանը ժամանակի հմուտ գրաբարագետներից էր, որին աշակերտեց Հ. Աճառյանը: Ա. Զամինյանը մահացել է 1937 թ., Երևանում:

1955 թ. փետրվարի 28-ին Արարհամ Զամինյանի որդին՝ Սիմեոն Զամինյանը, Մատենադարանին նվիրեց հոր արխիվը, ուր կան հայագիտական այս կամ այն խնդրին վերաբերող անտիպ ուսումնասիրություններ, վավերագրեր, իր և այլ հայագետների նամակներ ու այլ նյութեր:

Արժեքավոր է «Կորին Վարդապետ, Պատմություն վարուց և մահուան առն երանելուն Մաշտոց Վարդապետի» երկասիրության Ա. Զամինյանի կազմած բնագիրը՝ ուսումնասիրությամբ, համապատասխան ծանոթագրություններով հանդերձ: Ա. Զամինյանը հանգամանորեն քննելով Կորյունի երկի լեզուն, նկատում է. «Ոսկեդարյան գրական լեզվի մեջ յուրահատուկ տեղ է գրավում Կորյունը, որի միակ ինքնուրույն գրական գործը, բառական ու կետագրության տեսակետով ճշտված, ահա հրապարակ է գալիս: Յուր ընտիր քերականությամբ, բառերի կանոնավոր դասավորությամբ, նույնանիշների պեսպեսությամբ, բարդված արմատների գեղեցիկ կրկնությամբ և այլ հատկանիշներով Կորյունի լեզուն զուտ ոսկեդարյան դրոշմ է կրում...»¹:

Հայագիտության մեջ տարբեր կարծիքներ կան պատմահայր Մովսես Խորենացու ապրած ժամանակի շուրջ: Ուշագրավ է Ա. Զամինյանի «Մովսես Խորենացին և իր ժամանակը, ընկերակիցներն ու գործերը»² խորագրով անտիպ ուսումնասիրությունը, ուր հեղինակը բանավիճում է Խորենացուն VIII դ. հեղինակ համարող Ն. Ակինյանի դեմ: Ա. Զամինյանը սկզբնաղբյուրների, ինչպես նաև հայագետ Ս. Մալխասյանի նորագույն հետազոտությունների վրա հենվելով ցույց է տալիս, որ Խորենացին V դ. հեղինակ է:

Ուշագրավ է Ա. Զամինյանի «Կրտսեր նախարարների ծագումը ըստ Մով-

¹ Մատենադարան, Ա. Զամինյանի արխիվ, թղթ. № 232ա, վավ. № 100:

² Նույն տեղում, վավ. № 110:

սես խորենացուց³ ուսումնասիրությունը, մի խնդիր, որով հայագիտությունը մինչ այդ չէր զբաղվել:

Ինչպես հայտնի է, VII դ. պատմադիր Սեբեոսի «Պատմություն ի Հերակլին» գործի հրատարակիչ Պատկանյանը (1879 թ. Պետերբուրգ) այն կարծիքն է հայտնի, որ այդ գրքի Ա և Բ դպրությունները Սեբեոսին չեն և հետագա ընդմիջակություն են: Հարցի շուրջ եղել են դանաշան կարծիքներ: Ա. Զամինյանը ես զբաղվել է այդ հարցով և Սեբեոսի բնագիրը վերակազմելու փորձ կատարել⁴:

Արժեքավոր են Ա. Զամինյանի՝ «Որիքայի Դարչան Նայրանգյանի էլանքը»⁵, «Համառոտ համեմատական քերականություն»⁶, «Կենսագրական հիշատակներ մերձավոր անցյալից»⁷, «Հայոց եկեղեցու պատմության ընթացքը» և այլ անտիպ աշխատությունները, ինչպես նաև «Պատմություն հայոց գրականության» Ա մասի լրացված մեքենագիր օրինակը, որը հեղինակը դեռևս 1928 թ. պատրաստել է հրատարակության⁸:

Ա. Զամինյանի արխիվում են պահվում 1799—1906 թթ. ընթացքում (հաշիմյան և ուսեյան) Նոր-Նախիջևանի հայերի Ղրիմից գաղթելու, Նոր-Նախիջևանը հիմնելու, բնակիչներին աշտոնաթիւ նենք տալու առթիվ ուսական ցարերին ուղղված դիմումներ, Նոր-Նախիջևանի և շրջակա գյուղերի բնակիչների տնտեսական, կուլտուրական, քաղաքական, վարչական, կենցաղային և այլ հարցերի վերաբերյալ գրություններ, Նոր-Նախիջևանի և նրա գյուղերի եկեղեցիների եկամուտների մուտքի և ելքի, առևտրական հաշիվների մատյաններ, ներսևս արքեպիսկոպոսի որոշ գրությունների կրկնօրինակներ, քաղաքագլուխ Հ. Խալիպյանի և Գ. Պատկանյանի դատական գործերի մասին գրություններ, Աստրախանի նավահանգստի, ադմիրալ Վիշկինի և վաճառական Պոպովի առևտրական փոխգրություններ, Գևորգ Դ. Կաթողիկոսի մի կոնդակի պատճեն և այլն:

Ուշագրավ է Նոր-Նախիջևանի վաճառական Սարգիս Խոճյանցի 1830—1906 թթ. կալմած «Հիշատակարանը»¹⁰, ուր նա խոսում է իր կյանքի ու զործունեության, 1896 թ. հայկական կոտորածների, ցարական կառավարության կողմից հայկական եկեղեցական կալվածքների թունազրավման, զբաղվողների փակման, Աստրախանի, Երևանի, Կարսի գրավման և այլ հարցերի մասին:

Ա. Զամինյանին հասցեագրված որոշ նամակների չգոյությունը ենթադրել է տալիս, որ հայագետի արխիվը լրիվ չէ: Այդտեղ են Գ. Ալվադյանի, Գ. Աղափերյանցի, Հ. Զերեբեղյանի, Գ. Խաթրանովի և այլոց մի քանի նամակները՝ Հ. Խալիպովին և Երիշներին ուղղված: Զամինյանի արխիվում է

3 Նույն տեղում, վավ. № 109:

4 Նույն տեղում, վավ. № 101:

5 Նույն տեղում, վավ. № 112:

6 Նույն տեղում, վավ. № 113:

7 Նույն տեղում, թղթ. № 232բ, վավ. № 116:

8 Նույն տեղում, վավ. № 120:

9 Հիշալ աշխատության ձևագիրը պատրաստ լինելով հրատարակության, Սիմեոն Զամինյանը չ՛անձնեց Մատենադարանին, որի պատճառով այն մեքենագրվեց և պահվեց Մատենադարանում:

10 Մատենադարան, Ա. Զամինյանի արխիվ, թղթ. № 232ա, վավ. № 94:

գտնվում 1907 թ. հոկտեմբերի 8-ին Նոր-Նախիջևանից հայագետ Գարեգին Հովսեփյանին գրած բանասիրական հարցեր արծարծող իր իսկ նամակի սեփականությունը¹¹ գրված Գ. Հովսեփյանի «Խոսքովիկ թարգմանիչ, Ը դար» վերնագրով աշխատության առթիվ: Գ. Հովսեփյանը նկատում է, որ Խոսքովիկը VIII դ. հեղինակ է: Ա. Զամինյանը մի շարք փաստերով ապացուցում է, որ Խոսքովիկ թարգմանիչը VII դ. վերջին և VIII դ. առաջին կեսի հեղինակ է: Նամակում նա գրում է. «Անցյալները տ. Երվանդ Վարդապետին¹² մի նամակ էի գրել յուր «Պարսից ժողովի» մասին: Այժմ էլ սույն համառոտ տողերն եմ Զեզ ուղղում Խոսքովիկ հոստորի մասին, որի գործերն եք հրատարակել:

Թե Դուք և թե այլք հաստատում եք, որ Խոսքովիկ Ը դարի անձնավորություն է, և այս ճշմարիտ է, քանի որ նա Մանագլերտի ժողովին մասնակցում է, բայց միթե արգելք կա հաստատելու, որ նա ապրում էր 7-րդ դարի վերջին մասերում՝ Սահակի¹³ ու Եղիայի¹⁴ կաթողիկոսության օրերում և վախճանեցավ 8-րդ դարի առաջին կեսում: Նրա գրվածքի ուսումնասիրությունը ինձ համոզեց, թե նա արդարև այս ժամանակաշրջանում ևս ապրում էր: Նա գործ ունի Աթահաս Բ (684—686) պատրիարքի հետ, որ մի հմուտ անձ էր և Պորփյուրի¹⁵ գործերի թարգմանիչ (645 թ.) և որը յուր պատրիարքության ժամանակ ղրաղվեցավ ժամակարգության խնդրով...»¹⁶:

Այսպիսով՝ վկայակոչվածով, հարկավ, չի ավարտվում Ա. Զամինյանի արխիվում պահվող նյութերի ցանկը: Բայց քերվածն էլ հիմք է տալիս ասելու, որ հայագետի շատ հարցադրում-լուծումներ այսօր էլ դուրկ չեն գիտական հիմնավորվածությունից և որոշակի նպաստ կլինեն ժամանակակից հայագիտությանը, եթե, անշուշտ, կարող ձեռքով խմբագրվեն ու լույս աշխարհ հանվեն:

АРХИВ АБРААМА ЗАМИНЯНА

А. А. АДАМЯН

Р е з ю м е

В 1908—1909 гг. в Нахичеване-на-Дону Заминяном была издана двухтомная «История армянской церкви», а в 1914 г. — ценные арменоведческие исследования под заглавием «История армянской литературы».

В 1955 г. сын Абраама Заминяна, Симеон Заминян подарил Матенадарану архив своего отца, в котором находятся рукописи опубликованных и неопубликованных арменоведческих исследований, письма, написанные самим Заминяном и другими, а также иные документы.

¹¹ Այդ նամակի բնօրինակը գտանք Գ. Հովսեփյանի արխիվում (թղթ. № 95, վավ. № 123), որից վկայակոչում ենք սույն հոդվածում:

¹² Խոսքը Երվանդ Տեր-Մինասյանի մասին է:

¹³ Սահակ Գ. Զբրափորեցի (աթոռակալել է 677—703 թթ.):

¹⁴ Եղիա Արճիշեցի (աթոռակալել է 703—718 թթ.):

¹⁵ Պորփյուր III դ. հույն իդեալիստ փիլիսոփա:

¹⁶ Մատենադարան, Գ. Հովսեփյանի արխիվ, թղթ. № 95, վավ. 123: